



Prishtinë, 29 korrik 2022
Kodi i ZRRE-së: V_1544_2022

Bordi i Zyrës së Rregullatorit për Energji,

Duke u bazuar në:

- Dispozitat e Nenit 9 paragrafi 1, nënparagrafi 1.7, Nenit 25 dhe Nenit 26 paragrafi 1 nënparagrafi 1.2. të Ligjit për Rregullatorin e Energjisë (Ligji Nr. 05/L-084);
- Dispozitat e Nenit 3 paragrafi 1 nënparagraf 1.19, Nenit 33 paragrafi 4, Nenit 39, Nenit 40 dhe Nenit 41 të Ligjit për Energjinë Elektrike (Ligji Nr. 05/L-085);
- Dispozitat e Rregullës Nr. 08/2017 për Furnizuesin e Mundësisë së Fundit të datës 13 prill 2017;
- Dispozitat e Nenit 19 të Licencës për Furnizim me Energji Elektrike dhënë "Korporatës Energjetike të Kosovës" Sh.A;
- Vendimin e ZRRE-së nr. 1477_2022 për caktimin përkohësisht të KEK-ut si Furnizues i Mundësisë së Fundit,
- Vendimin e ZRRE-së, V_1516_2022 të datës 24.06.2022 për Hapjen (përsëritjen) e Procedurës së Tenderimit për Zgjedhjen e Furnizuesit të Mundësisë së Fundit;

në seancën e mbajtur më 29 korrik 2022 nxori këtë:

V E N D I M PËR CAKTIMIN E FURNIZUESIT TË MUNDËSISË SË FUNDIT

- I. **CAKTOHET - KORPORATA ENERGETIKE E KOSOVËS SH.A (KEK)** që të ushtrojë përgjegjësitë e Furnizuesit të Mundësisë së Fundit (Furnizues i Garantuar).
- II. Obligimi i caktuar në pikën I të këtij Vendimi do të ushtrohet për një periudhë tre (3) vjeçare, duke filluar nga data **31 korrik 2022 deri me 30 Korrik 2025.**
- III. Furnizuesi i Mundësisë së Fundit është i obliguar që të siguroj të gjitha shërbimet e furnizimit të përcaktuara me Ligjin për Energjinë Elektrike, Rregullën ZRRE/Nr.12/2017 për Kushtet e Përgjithshme të Furnizimit me energji, Rregullën Nr. 08/2017 për Furnizuesin e Mundësisë së Fundit, Licencën për Furnizim me energji elektrike të lëshuar nga Zyra e Rregullatorit për Energji (ZRRE) për Korporatën Energjetike të Kosovës dhe legjislacionin tjetër në fuqi.
- IV. Furnizuesi i Mundësisë së Fundit është i obliguar që të furnizoj konsumatorët që ngelin pa furnizues në rastet kur:
 - furnizuesi i tij ka bankrotuar apo është në likuidim;
 - licenca e furnizuesit të mëparshëm është revokuar përkohësisht apo në mënyrë të përhershme, apo i ka skaduar;

- konsumatori ka dështuar në zgjedhjen e furnizuesit të ri pas ndërprerjes së kontratës me furnizuesin e mëparshëm.
- V. Furnizimi i garantuar sipas pikës IV të këtij vendimi nuk mund të zgjasë më shumë se gjashtëdhjetë (60) ditë.
- VI. Kostot e Furnizuesit të Mundësisë së Fundit do të përcaktohen në përputhje me Nenin 6 të Rregullës për Furnizuesin e Mundësisë së Fundit.

ARSYETIM

- Bordi i Zyrës së Rregullatorit për Energji (ZRRE), në përputhje me dispozitat e Nenit 40 të Ligjit për Energjinë Elektrike ka nxjerrë Vendimin Nr.V_1417_21 të datës 04.10.2021 për Hapjen e Procedurës së Tenderimit për Zgjedhjen e Furnizuesit të Mundësisë së Fundit (FMF).
- Në Ftesën për shprehje të interesit për të aplikuar në Tenderin për Zgjedhjen e Furnizuesit të Mundësisë së Fundit i publikuar me datë 12.10.2021 në faqen zyrtare elektronike të ZRRE-së (e cila është dërguar po ashtu me e-mil te furnizuesit e licencuar), është përgjigjur vetëm një aplikues, andaj ZRRE ka konstatuar se tenderi ishte i pavlefshëm, sepse nuk janë plotësuar kushtet ligjore për zhvillim të tenderit të përcaktuara me Nenin 4 të Rregullës Nr. 08/2017 për Furnizuesin e Mundësisë së Fundit, i cili përcakton: *“Konkurrenca për caktimin e Furnizuesit të Mundësisë së Fundit do të Konsiderohet se është e vlefshme nëse jo më pak se dy (2) tenderues kanë përmbushur kriteret përkatëse të pranueshmërisë”*.
- Si rezultat i kësaj më lartë (dështimit/anulimit të tenderit) dhe në përputhje me Nenin 40/4 të Ligjit për Energjinë Elektrike, ZRRE me Vendimin nr. 1477_2022 të datës 31.01.2022 ka caktuar pëkohësisht KEK-un si furnizues i mundësisë së fundit për periudhën nga 31.01.2022 deri më 30.07.2022.
- Në përputhje me Nenin 40/4 të Ligjit për Energjinë Elektrike, ZRRE në muajin qershor 2022 ka përsëritur Tenderin për FMF duke publikuar të njëjtin në ueb faqe të saj dhe njoftuar palët e licencuara, mirëpo tenderi prap ka dështuar ngase nuk janë plotësuar kushtet ligjore për zhvillim të tenderit, të përcaktuara me Nenin 4 të Rregullës Nr. 08/2017 për Furnizuesin e Mundësisë së Fundit.
- Si rezultat i kësaj më lartë, dhe në përputhje me Nenin 40/4 të Ligjit për Energjinë Elektrike ku ndër të tjera thuhet: *“... Në rast se edhe tenderi i dytë dështon, Rregullatori cakton furnizuesin e mundësisë së fundit me një akt të veçantë, ...”*, Bordi i ZRRE-së ka vendosur si në dispozitiv të këtij Vendimi.
- Për marrjen e një vendimi të tillë Bordi i ZRRE gjithashtu ka vlerësuar se “KEK” sh.a, i Licencuar për furnizim me energji elektrike, plotëson kushtet për kryerjen e aktivitetit të tillë pasi që i njëjti edhe ka deklaruar se do ta pranojë këtë përgjegjësi (nëse i vendoset nga ZRRE), poashtu ka përvojën për ta ushtruar këtë përgjegjësi; posedon softverin për ushtrimin e këtij aktiviteti; posedon personel profesional për ta ushtruar këtë përgjegjësi; është në gjendje të mirë financiare etj.
- V. Vendimi nxirret në gjuhët zyrtare të Republikës së Kosovës.


VI. Vendimi hyn në fuqi në datën e miratimit nga Bordi, dhe do të publikohet në faqen elektronike zyrtare të ZRRE-së.

Këshillë juridike: Pala e pakënaqur me këtë Vendim mund të inicioj konflikt administrativ në Gjykatën Kompetente, brenda tridhjetë (30) ditëve nga data e pranimi të Vendimit ose data e publikimit të tij në faqen elektronike të ZRRE-së, cilado që ndodh e fundit.

Vendimi i dërgohet:

- "KEK" sh.a,
- KOSTT sh.a. - Operatorit të Tregut dhe
- Aktivit të ZRRE


Bordi i Rregullatorit:


Ymer Fejzullahu, Kryesues


Selman Hoti, Anëtar


Izet Rushiti, Anëtar


Lutfije Dervishi, Anëtare


Gani Buçaj, Anëtar